



Yej p'etetlä

- Yahench'oye ey ta ihi n'olhejis-hi ta kamaj nichätaye lawhäy ta nottsupiye niyatey wet lesayen lhip ta iwatläk lahoje wet lhäy'e t'ufwanyaj ta iyej mesa wet ey.

- Is chi lachäjli amej aka DNI ta nech'eyik.

- Is ta lhamil ta lawos nolhenyaj-na matche ta lhaykalelhäthen wet itiamelj lach'otyaj ta lawatejlä lhamilna.

- Ta lhekhlahlä yahen chi DNI wet lacha ta yäme ta lanofwlä häpe m'ek ta alewukw.



N'olhejis-hi ta n'otamak-pe

N'oyätnhayajayhi



www.padron.gob.ar

N'olhämet näyij



0800-999-7237

Mek chi lawatläk matchek kalelhäj yätshaneje:

Teléfonos: (011) 4883-9930/31/56

elecciones@elecciones.gob.ar | acces_electoral@mininterior.gob.ar |

acces_electoral@elecciones.gob.ar

T'uhawetej chi amtejej

N'ow'o iyhäja niyatey nekchäna 2023

Wichi





Atsi ta n'owo iyhäja?

13 de agosto: Elecciones Primarias, Abiertas, Simultáneas y Obligatorias (PASO).

T'ichun ta n'ottsupiyehen, nowahnej, yiwitlhamhiche wet iwatläk iche. N'ottsupiyehen lhamil ta iwatläk niyatey ta häpkhihenak tatachelahlak taj lawhäy ta lhamya ta iche N'olhenyaj Lhamya.

22 de octubre: N'olhenyaj ta Lhamya.

N'otsupihyela niyat ta lhamya wet lach'otfwa, 43 lhamil ta häpkhihena ta ihi Mercosur, 130 niyatey ta tälhomche lhipeyna wet 24 iyhäj ta ihi senado ta ihi lhipna



Chik otälhejlä häp Wichil ta ihi Lhipna, ha iwoyek ohoye n'olhenyajna?

Iwoye. Nilhokej lhamil ta lheyis ihi lahi ta iwoyek yahoye nolhenyaj-na.

Häpe tahesna:

Elh ta law'et wok yen law'eta lhip-na wet hiw'en 16 nekchä wet 18 nekchämis häp elh ta lhayene.

Nilhokej ta laha ihi ta ihi ta n'okalelthayaj-chal tatache.



Atsi m'ek ta häpe n'owahnayaj?

Häpe m'ek ta n'oyhäj isej yämthilak iwoye ta tatshupiye wet iwolanohyaja niyatey häp ta tamenej ta yakalelhät elh ta lhamil itih lanohyaja.

¿Chip te ta laha ihi n'olhenyaj-na?

Ta aw'et lhip-na wet tuhawetej wet äp iwoye chi amtejej häp n'oniyatyajay ta ihi aw'etes. Ta nawoye pej n'olhenyaj-na, häpe t'at ta latatshupiye iyhäj ta häpkhihena niyatey.

Nilhokej noyhäj iwoyek iwolakaniyata wok noyen niyata.



N'olhenyaj-na häpe:

- **W'awulhe honhat:** n'otetshanhiyejt'a häp ta hin'o wokw atsinha, t'ekhanyaj, wichi ta häpe lhäy'e iyhäj meyhey.

- **Laha ihi:** tefwaj atni laha ta n'otijej m'ek ta elh tefwaji tatshupiye.

- **Noskalhek:** lhip ta ihi ta iwatläk tsilak am ta lhewhi wet newache elh chi yahanej m'ek ta lawoye. Iwohiyet'ak notyätshanej ame.

- **N'onechethayaj:** iwohiyet'ak iche elh chi inityen amej chi latatache wok latatayhlä niyatey tsi am ta lahanej elh ta latatshupiye.

- **Iwohiyet'ak kawoyaye:** elh ta iwatläk iwoye nolhenyaj-na iwohiyet'alak nenalhi.



Atsi lawhäy ta iwatläk owoye n'olhenyaj-na?

Iwatläk lahoje lhip ta notih iwotesa lawhäy ta **8:00** lapes ta honaj ta **18:00**. Tsi taj lawhäy ta n'op'ope wet kamaj lhewhi lhip ta ihi iwohiyela t'at chi nowahen amej.



Atsi n'olhey-hi ta laha ihi?

Tsilak n'olhey-hi ta ihi n'olheyis-hi ta laha ihi wok elh ta nech'enaji.

Häp DNI häpe m'ek ta kalelhäj lawukw, tsilak am ta iwatläk lachäjliamej. M'ek ta lahanej: häp DNI ta ihi atetshanej-his laha ihihit'a.



Atsi m'ek ta lakey ta n'uelh iwoye n'olhenyaj-na?

1. Iwatläk lat'ukwe ey ta ihi www.padron.gov.ar wok layahne n'olheyis ta ihi lhip ta n'olhenyaj ihi. Lesayen tuwantes ta yiwitej aka mesa wet ey.
2. Nichäte lawhäy wet is chi lakalelhat lhip ta iwatläk lahoje. Yej p'ethetlä häp eyhi aka DNI.
3. Ta lachäte wet is chi law'enho aka DNI häp elh ta itetshan, wet hiw'enla amho lahi ta laj lheleya wet lhey ta i'pe, wet lahochufwi law'et ta ihi n'olhenyaj-na.
4. Tä lhewchufwi lhiptso, chuma m'ek ta latatshupiye wet is chi lap'ope.
5. Ta lanuphä wet lapäyne elh ta itetshan wet nech'e lat'uytho lahi.
6. Nech'e elh ta niyatej t'alhiyela chi lalesayen elh ta ihi nolheyis-hi. Hiw'enla amho lacha ta yäme ta laleyej n'olhenyaj-na wet aka DNI. Yahen chi häpe m'ek ta alewukw.



Atsi m'ek ta iwatläk owoye chi nofwej niyatey lheyis ichufwi law'et?

Iwatläk lanuphä wet lafwenho elh ta niyatej n'olhenyaj-na tsilak ta lhokw nofwej, iwohoyet'ak lafwel niyat ta häpe.



N'och'otyaj ta n'otijej lhamil ta yenli n'olhenyaj-na:

Iwoye chi lat'alheje lhamil ta niyatey n'olhenyaj-na chi iche m'ek chi häpe chi iamej, chi lachumyenli notsutes, lach'otshan wok m'ek ta tamenej nemhit atkäjänli.



N'ochunkat ta notetshan

Iwoye chi lat'alhe chi nowahen amej tejtä ka lhewahi lhamil ta lhaypiyen.



N'otch'ote elh ta iwoye n'olhenyaj-na

Chi ahäpe elh ta iwohiyet'ak tsilak, iwoye ta lalhäy'e elh ta lat'ekhaye (iwatläk thaläkw wet ichäjli laka DNI) wok lat'alhe elh ta niyatej chi tach'ot ame. (Ley nacional n° 26.774 lhip ta 94).



Lhamil ta nitkäjänawethä law'et ta iwoye n'olhenyaj-na

Nilhokej lhipey ta notih n'olhenyaj-na ta iwatläk iwaklhat law'et lhamil ta nitkäjänawethä

Häp lhip ta ihi lhip ta notajwet wet äp newache m'ek chi inulhihlä chi elh yahochufwi.

Iche notetnhay ta yakalelhätli lhip-na häpkhila nilhokej wichi ta yahanej ihi. Iwoyek matche ta w'enhalhamejlä iyhäj lhipey.

Iwoyek lat'alheje elh at chi häp lhamil ta kalelhäj ta niyatey n'olhenyaj-na, wet nech'e lhamil ta itetshan yämthilak lasakanej nolhenyaj-na (tetso ta yäme häp CNE n° 77/2011).



Asinäj ta n'och'otfwa

Chi alä asinäj ihi ta häp ta lhen ach'otfwaya ta lalunli, iwoyek yik amche ta lahoje lhip ta n'olhenyaj ihi wet äp te ta lat'uychufwi hup. (Ley nacional n° 26.858).



Lacha tä tach'ote n'uelh tä ilesayen lhey

Chi tachutshan chi latihi ey häp ta awitähhyaj ihi elh ta itetshan m'ekna iwatläk tayätshan ame chi lawatlä ach'otyaj wet nech'e ipäyen ame lakey.

Iwatläk hiw'en lacha ta itepe n'olheyishi häpkhilak latäfwel lhip ta iwatläk latihi ey.



Chi niwoyayek lalesayen ey, elh ta itetshan iwoyek lham ta yenli ey ta ilesayen.